

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلاناتک بهرندن برمجیدیه اخذ
ایدیلور

نسخه سی ۴۰ پاره در

قانون مجازات

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه یه متعلقدر

تبدیلیات

اجرا دائره لرنبه اخذی ایجاب ایدن وایمیان
خرجلری مبین جدولده اون غروش اخبار نامه
خرجی التمق لازم کلیه جکی مندرج اولدینی حالده
باقی مستقرضلرینه دائره اجرادن تبلیغ اوله جق
اخبار نامه لردن خرج تبلیغ الیه جقن جریده محاکمه
مسطور انجمن عدلیه قرارنده کوسترلش وشو حالده
مذکور جدول ایله انجمن قرارری بیننده مبیانت
بولنمش اولدینندن بختله استفسار معامله یه دائر اشقودره
استیناف محکمه سی مدعی عمومیلکندن وقوعبولان
اشعار اوزرینه، سالف الذکر جدولده التمس ایجاب ایتمیان
خرجلردن اولمق اوزره کوستریلان اون غروش
اخبارنامه خرجی اجرا دائره لردن دوائر رسمیه یه
وطشره لره تسطیر قلنان تذکره ومحررات خرجلری
کبی اخبارنامه تک تنظیم وتحریری ایچون التمهده اولان
واصحاب دعاوینک شکایانی موجب اولمش بولنان
اخبار نامه خرجی اولوب تبلیغ خرجی اولدینی
وانجمن قرارنده استیفاسی لزومی کوستریلان خرج
ایسه اخبارنامه تک تبلیغ خرجی بولنغله بینلرنده اصلا
مبیانت بولنمدینی جهته کرک باقی مستقرضلرینه وکرک
اعلامات اوزرینه اشخاص سائریه اجرا دائره لرنبه
تبلیغ اوله جق اوراقدن قرار سابق وجهله هر حالده
خرج تبلیغ اخذی لازم کله جکی انجمن عدلیه افاده سیله
جواباً مذکور مدعی عمومیلک بیلدرلشددر.

محاکمات مقدماتی

اصول محاکمات جزائی قانوننک اوچیوز
قرق یدنجی ماده سی حکمنه ونظارت جلیله
عدلیه نک ۲۵ حزیران سنه ۱۳۱۷ تاریخی امر
تحریری قانونیسنه توفیقاً تقضی حاوی محکمه
تمیز جزا دائره سندن اعطا قلنان اعلامدر :
باش مدعی عمومیلک مأموریت بهیه سندن اوراق

عدلیه نظارت جلیله سی سجل مأمورین قامی کتبه سندن
یوسف کمال افندی

خداوندکار ولایتی مرکز بدایت محکمه سی برنجی
مستطقلکنه محکمه مذکوره ایکنجی مستطقی
محمد رشدی افندی

محکمه مزبوره ایکنجی مستطقلکنه کوتاهیه
سنجانی بدایت محکمه سی مستطقی حسام الدین افندی
کوتاهیه سنجانی بدایت محکمه سی مستطقلکنه
قواله تجارت محکمه سی باش کتابتندن مستغنی احمد
رفیق افندی

ارضروم ولایتی مرکز بدایت محکمه سی ایکنجی
مستطقلکنه بتلیس ولایتی مرکز بدایت محکمه سی
مستطقی محمود افندی

بتلیس ولایتی مرکز بدایت محکمه سی مستطقلکنه
دیاربکر ولایتی مرکز بدایت محکمه سی باش کاتبی عثمان
نوری افندی

قرنال قضاسی بدایت محکمه سی مستطقلکنه
سینوب سنجانی بدایت محکمه سی مستطقی رضا افندی
سینوب بدایت محکمه سی مستطقلکنه یوزغاد
بدایت محکمه سی مستطقلکندن مستغنی توفیق افندی
سیواس ولایتی مرکز بدایت محکمه سی برنجی
مستطقلکنه محکمه مزبوره ایکنجی مستطقی ذکریا
عاکف افندی

ولایت مذکوره بدایت محکمه سی ایکنجی
مستطقلکنه مناستر ولایتی مرکز بدایت محکمه سی
ایکنجی مستطقی یوسف ضیا افندی

مناستر ولایتی مرکز بدایت محکمه سی ایکنجی
مستطقلکنه کوشخانه سنجانی بدایت محکمه سی
مستطقلکندن مستغنی فائق افندی تعیین اولنهرق
مومی الیهمدن خلیل وحسن فهمی واحمد رفیق وکال
وتوفیق وفائق افندیلرک « ذات شوکتسمات حضرت
خلافتناهی یه ودولت علیه لرینه صادقانه ایفای حسن
خدمت ایده جککرینه وخلاف ناموس و صداقت ومغایر
عدالت احوال وحرکاتی ده ارتکاب ایلیه جککرینه »
دائر امر تحلیف لری بوکره اجرا و دیگر لرینک ده اولوجهله
لزوم تحلیف لری محللرینه تبلیغ وانبا قلمشدر .

تجربات

یافه تجارت محکمه سی ریاستی ابقاء رفیق افندی یه
وودینه قضاسی بدایت محکمه سی ریاستی اسکچه
قضاسی بدایت محکمه سی مدعی عمومی معاونی سلیمان
عاکف بکه

اسکچه قضاسی مدعی عمومی معاونلکی مکتب
حقوق شاهانه مأذونلردن برهان الدین بکه
کوربجه تجارت محکمه سی ریاستی مکتب مزبور
مأذونلردن نافذ افندی یه

پولهنر بدایت محکمه سی ریاستی طربزون ولایتی
مرکز تجارت محکمه سی باش کاتبی محمد راشد افندی یه
قالونیه بدایت محکمه سی ریاستی مکتب مزبور
مأذونلردن امین افندی یه تفویض بیورلش ومومی
الیهمدن رفیق و راشد افندیلر ایله سلیمان
عاکف بک ذاتاً محاف بولنمش و امین و نافذ افندیلر
ایله برهان الدین بکک دخی « ذات شوکتسمات
حضرت خلافتناهی یه ودولت علیه لرینه صادقانه
ایفای حسن خدمت ایده جککرینه وخلاف ناموس
وصداقت ومغایر عدالت احوال وحرکاتی ده ارتکاب
ایلیه جککرینه » دائر بوکره امر تحلیف لری اجرا
قلمشدر .

تعیین و تحویل

قونیه ولایتی مرکز بدایت محکمه سی اجرا
مأموریتیه زور سنجانی بدایت محکمه سی مقاولات
محررلکندن مستغنی خلیل افندی
دکزیلی سنجانی بدایت محکمه سی مستطقلکنه
وان ولایتی مرکز بدایت محکمه سی مستطقی سابق
حسن فهمی افندی

یانیه ولایتی استیناف محکمه سی باش کتابتیه
کوربجه سنجانی بدایت محکمه سی باش کاتبی محمد
ذکی افندی
کوربجه سنجانی بدایت محکمه سی باش کتابتیه

مترعه سیله برابر محکمه تمیز جزا دائره سه اعطا اولان ۲۸ تموز سنه ۳۱۷ تاریخلی وایکی بیک یوز انش درت نومرولی تبلیغنامه قرائت اولدی .

مذکور تبلیغنامه ده نجف قضا سنده مقیم فاضل بن ثیابک اشیا سنک کیفیت سرقتدن دولای مظلون علیه اولان عبدالحسین ایله سرقه مذکورده مدخلی اکلاییلان سید محمد علی حقلانده کی دعوانک محکمه جه رؤتی محذوری داعی اوله جغه دائر قضاء مذکور بدایت محکمه سنجه ویریلوب استیطاقامه زیرنده محرز بولان ۲۸ شباط سنه ۳۱۵ تاریخلی قرارایه مترعائی بغداد ولایتی استیناف محکمه سی مدعی عمومیلکنک ۴ مایس سنه ۳۱۶ تاریخلی تحریراتنه لفا ارسال قلتمغله لدی التدقیق محکمه نك وظیفه سی کندوسنه تودیع ایدلش اولان حقوق عمومیه دعواسنی بالحا که قاعده قانونیه به توفیقاً تدقیق ایدرک نتیجه حاصله به کوره برقرار اعطا ایتمکدن عبارت اولدینی حالده دعوائی واقعه تعریف قانونی دائره سنده محکمه به تودیع اولمخدن جهت مذکور نك تذکری ضمننده مدعی عمومی معاونی وکیلانک طلبه مبنی ایشک رئیس محکمه طرفندن محکمه به حواله و بناءً علیه کیفیت مذاکره اوله رق صلاحیت قانونیه خارجنده مذکور قرارک اعطا ایدلکی اکلانمغله اصول محاکات جزایه قانوننک اوچوز قرق بدیجی ماده سنه وعدلیه نظارت جایله سنک ۲۵ جزیران سنه ۳۱۷ تاریخلی واللی الی نومرولی امر تحریر یسنه توفیقاً قضی لزومی اخبار قلنمشدر .

تدقیقات تمیزیه اجرا اولندقدده دعوائی مذکور ره نك رؤتی وظیفه قضای مزبور بدایت محکمه سنه حاکم اولسنه نظرأ قرار میجوت عنه علینده نظارت جایله نك امر تحریر یسنه عطفأ تبلیغنامه ده درمیان اولان اعتراض بجا اولدیفندن مستلزم نقض اولان سبب مذکورده مبنی سالف الذکر اوچوز قرق بدیجی ماده موجبجه قرار مذکورک نقضنه وایکی یوزغروش نقض خرجنک تحصیلنه ۱۳ تشرین ثانی سنه ۳۱۷ تاریخنده قرار ویرلدی .

تور توملی صبری بکی ضرب ایدرک متأثرأ وفاته سببت ویرمسندن دولای جنایتله اتهام اولان آانی یازمق حسنک بش سنه مدته کورک قولسنه دائر اضروم ولایتی استیناف محکمه سی جزا دائره سندن ایکنجی دفعه اوله رق ویریلان درت نومرولی اعلام محکمه تمیز جزا دائره سنجه تصدیق اولنمشدر .

مرامور قریه سی اهالیسندن ابراهیم بن طاهری قتل قصدیه جرح ایدلکی ادعا اولنمسندن دولای

جنایتله اتهام اولان قریه مذکورلی عبدی بن مرسلک اوچ سنه مدته کورک قولسنه دائر پرشته سنجانجی بدایت محکمه سی جزا دائره سندن ویریلان اوچوز یتش اوچ نومرولی اعلام محکمه تمیز جزا دائره سنجه تصدیق اولنمشدر .

چینه نك عربحصار قریه سندن محمد بن احمدی قتل ایتمسندن دولای جنایتله اتهام اولنسان محمد بن خلیلک اون بش سنه مدته کورک قولسنه دائر آیدین سنجانجی بدایت محکمه سی جزا دائره سندن ویریلان ۷۳ نومرولی اعلام محکمه تمیز جزا دائره سنجه تصدیق اولنمشدر .

نامروان قضا سنک لایصور قریه سی اهالیسندن رضا بن شریفک ضربأ وفاته سببت ویرمسندن دولای جنایتله اتهام اولنسان عثمان چاوش بن طورسونک بش سنه مدته کورک قولسنه دائر اضروم ولایتی استیناف محکمه سی جزا دائره سندن ویریلان ۵۳ نومرولی اعلام محکمه تمیز جزا دائره سنجه تصدیق اولنمشدر .

درساعات جنایت محکمه سندن تنظیم واعطا اولنان اعلامدر :

یالیزلی مصر ایکلیکنی یازم لیرا برینه سوردیکی ادعاسیله مظلون علیه اولان قهوه چی بتیلسی یکر می بدی باشنده خالد نام دیگر خلیل بن احسانک جنایتله اتهامنه دائر هیئت اتهامیه دن تنظیم قلنان مضبطه ایله استیناف مدعی عمومیلکنک ۴ کانون اول سنه ۳۱۸ تاریخ و سکر یوز ایک نومرولی اتهامنامه سی اوراق مترعه سیله معاً محکمه جنایتله تودیع اولنمغله بالمطالعہ تفصیلاتی اولبایده طویتلان ضبطنامه دن مستبان اوله جفی وجهله اصول محاکات جزایه قانوننک باب ثانیسنک فصل رابعنده محرز اولان معاملات ابتدائییه بعدالایفا مهتم مرقوم سنه مذکورده کانون اولنک یکر می بشنجی چهارشدیه کونی علی الاصول توقیفخانه دن کتوردیلهرک وکیل واسیلاکی افندی ومدعی عمومی معاونلرندن عزتو ادھم بک ومدعی شخصی محمد علی وعمر علی و ابراهیم ورضا بابا ایله علقو حاضر بولندقلری حالده محاکمه علینیه بالابتدار قانون مزبورک ایک یوز الی دردنجی ماده سی وکیل مومی الیه وایکی یوز الی بشنجی ماده سی مندرجانجی دخی مهتم مرقوم خلیله اخطار قلندقدنصکره هیئت اتهامیه مضطه سیله اتهامنامه ضبط کاتبی عبدالصمد افندی طرفندن قرائت اولدی .

مذکور مضطه ده مظلون علیه خالد نام دیگر

خلیلک مصر ایکلیکنی یالیزلهرق یازم لیرا برینه سوردیکی حقدنکی اوراق تحقیقه ده موجود اخبارات ودلائل وامارات اتهامنه کافی کورلش وحرکتی قانون جزانک یوز قرق اوچنجی ماده سی حکمی مستلزم افعال جنایتیه دن بولنش اولدیفندن جنایتله اتهامنه قرار ویرلدیکی محرز و اتهامنامه ده دخی مرقومک مضطه مذکورده مندرجانجی وجهله قبلننک جنایتک فاعلی بولنش اولنمغله اتهام ایدلکی مسطر در .

اتهامنامه نك خلاصه سی جانب ریاستدن مهتم مرقومه تفهیم وتوضیح ومعاون مومی الیه جانبدن دخی دعوانک تشریح اولنسنی معقب مهتم خلیل نام دیگر خالدبولندیلرکده برکون لنگه به طوغری کیمکده ایکن مدعی شخصیلرندن محمد علی به راست کلسیله مرقومک کندوسنی «ایکی جناق یغورت آلدک یازده سی ویر» دهرک سوروکلوب قریه غولخانه به کورتوردیکی وکندوسی مصر ایکلیکلری یالیزلمدینی کی مدعی شخصیلرندن هیچ بریسنه ده یالیزلنش ایکلیکی یازم لیرا برینه ویرمدیکی بیان ولدی السوال مقدا عین فمئلنطولای محکمه جنایتله بر لیرا جزای نقدی اعطاسنه محکوم اولش اولبایده کی حکم کسب قطعیت ایتمش ایسه ده فقیر اولدیفندن ملغ مذکور ی ویرده مدیکی وبک اوغلی استیطاق دائره لردن هیچ بریسنه استیطاق ایدلکی ویرنجی دفعه محکمه جنایتله سوق و محکوم اولسی غرض نفسانیت نتیجه سی اولدیفنی وحاضر بولنان مدعی شخصیلر یکدیگر بیک اثر تشویقه کندوسنه بویه بر فلی اسناد ایتمکده اولدقلری آیان ایلدی .

مدعی شخصیلرندن صورت جریان وقعه صورده لددقه بوللردن رضا بابا کندوسی مصلاده شیخ فرهاد محله سنده اقامته سیار یغورنچیلکه اشتغال ایتدیکنی ویر کون استانبول آغا چشمه سی جوارنده برخانه به یغورت ویرمکده ایکن مهتم خلیل النده برکاسه اولدیفنی حالده یغورنک اوقه سی صورمسیله اوچ غروش ویردیکی درمیان ایتدکده مرقومک اوقاقلی اولدیفنی و یازم لیرا یوزدیفنی تقدردده بر اوقه الاجنی سولسی اوزرینه الی بر غروش ایله بر اوقه یغورت ویرهرک مرقومدن یازم لیرا اولدیفنی وشبهه ایتدیکی جهته کوستردیکنده یالیزلنش مصر ایکلیکی اولدیفنی سوللریله کیدوب قریه غولخانه به اخبار ایتدیکنی ومذکور آقچهنک حاضر بولنان مهتم طرفندن ویرلدیکی سوبلدی .

علقو، لنگه ده اقامته یغورتیجی اولدیفنی ویرکون سراجخانه باشنده چلی حامی باندنه برخانه به یغورت ویرمکده ایکن مهتم خلیل کلهرک ایک بیوک کاسه یغورت اولوب اولدیفنی صوردیفنی وبالاخره اوچ غروش وایکی کوچک کاسه بازارلق ایتدکلرنده اوقاقلی

بولندیفنی و یازم لیرا یوزمقلنی سولسی اوزرینه الی بر غروش ویرهرک یازم لیرا دیو مرقومک ویردیکی یالیزلنش مصر ایکلیکنی اولدیفنی ومهتم کیتدکن وبقاله ارا نه ایتدکن صکره کیفیتی اکلادیفنی ومذکور قاب لیرانی چقور چشمه قریه غولخانه سنه تسام ایتدیکنی واولوجهله یازم لیرا دیه مصر ایکلیکنی ویرن حاضر بولنان مهتم خلیل ایدوکنی سوبلدی .

محمد علی، فاتح جوارنده قزطاشنده اقامت ایتکده اولدیفنی ویرکون مصل جوارنده یغورت صائمکده ایکن مهتم خلیل کلهرک درت غروش بازارلق ایتمش اولدیفنی ایکن عدد کاسه بی الهرق اوقاقلی بولندیفندن بچله یازم لیرا یوزمقلنی تکلیف ایتدیکندن یازم لیرا دیه برینه ویرمش اولدیفنی یازده به باقدیفنده یالیزلنش مصر ایکلیکی اولدیفنی کلاره رق مهتم مرقومه سوبلکده لندن قایمقی ایستمش ایسه ده موفق اولمخدیفندن فرار ایتدیکنی ومهتم مرقومی تعقیب ایدرک طوشان طاشی یقوشنده بر پولیس افندی به در دست ایتدیردیکی وقره غولخانه ده استیجواب ایتدکلرنده مذکور یالیزلنش مصر ایکلیکنی یغورت مقابله ده ویرموب انجق کوستردیکی سوبلکی افاده ایلدی .

(مالعدی صکره به)

داود باشا اسکله سنده ساکن احمد رمزینک پولیس مأموری عاشر افندی ایله ضبطیه نفری احمد اغانی تحقیر ایدلکی ثابت اولدیفندن اون بش کون حبسنه

ادرنه قیوسنده ساکن جمال حسینک خواجه باشالی قاتنه نك مجروحینه سببت ویردیکی ثابت اولدیفندن برهفته حبسنه

پولیس عارف افندیک اجرای مأموریت حالنده دیرکر آرسنده چایچلیق ایدن ایرانی احمدی ضرب ایدلکی ثابت اولدیفندن اون کون حبسنه

مناسرتلی لازارینک پولیس مأموری علی افندی بی اجرای وظیفه حالنده تحقیر ایدلکی ثابت اولدیفندن بریجق لیرا جزای نقدی اخذینه

یورغاک بی ضرب وجرح ایدلکی ثابت اولان اوزنه کویده ساکن بقال آندریقودن ایک لیرا آلهرق مضروب ویرلسنه

سر سربلکی تبین ایدن میشسونک برآی حبسنه وختام مدتنده ضابطه جه تسبیب اوله جق محله طرد وتبعیدینه

استیه ده ساکن دیمتری ولد یورکی ایله باغچی بانیک وطوبخانه ده مقیم حسن ایله قدقابی خلیلک مضارب ایلدکلری ثابت اولدیفندن برهفته حبسلرینه

خلاف تنیه اوزرلرنده سلاح طاشیدقلری ثابت اولان غلطه مکرکی طلومبه جیلاردن محمد بن بکر وعلی بن اسماعیل ویتور بن حسنندن بشر بشلک جزای نقدی آلمسنه

کلیوللی کر یاقو ولد علیکساندروسک سرسری اولدیفنی اصولاً ثابت اولدیفندن برآی حبسنه وختام مدتنده مملکتته طرد وتبعیدینه

اسرای زنجیه دن اولدیفنی ثابت اولان ظرافتک یدینه عتقنامه اعطاسنه

قوجه مصطفی باشالی عصمت ومروت خانملره اطاله لسان ایدن محله مذکورلی حسن افندی ایله زهرا وکلی خانلردن یازم لیرا جزای نقدی آلمسنه درساعات ، بک اوغلی واسکدار بدایت محکمه لری جزا دائره لرنجه قرار ویرلشدر .

مجازات جنایتیه

یلواج قضاسی نانجی بدایت محکمه سی رئیس علی رضا افندیک خلاف اصول ونظام اوله رق قای حاجی ابراهیم افندی بی معاملات اجرا یسنه استخدام وبوکا اجرا ایتدیردیکی برجز معامله سندن طولای فضله رسوم استیصال ایتدیکی قونییه ولایتی استیناف محکمه سی مدعی عمومیلکندن کوندریلان اوراق تحقیقه مندرجانندن اکلانمغله مبنی مومی الیه محاکمه آلتنه آلمسنه عدلیه نظارت جایله سندن مأذونیت ویریلهرک مذکور مدعی عمومیلکه تبلیغات جواویه اجرا وبوبایده طرف عالی مشیختناییه ده معلومات اعطا اولنمشدر .

اعلانات

درساعات استیناف مدعی عمومیلکنده :

اوچوز اون یدی سنه سی کانون اولنک اون اوچنجی یخشنه کیجه سی بشکلشده کاش انبیه سنیه انبارینه سرقه قصدیه کیردیکی حالده اسباب مانعه حیولتیه ماده سرقی فعله ایصال ایدمدیکی ادعاسیله مهتم اولوب حال فرارده بولنان اوزنه بویلی قره قاش وکوزلی تخمیناً اون سکرک باشلرنده دلسز واسمی مجهول شخص حقدنه اصول محاکات جزایه قانوننک اوچوز یتش برنجی ماده سی موجبجه مقتضی معامله ایفا ومحاکمه غایبیه سی بالاجرا قانون جزانک ایکیز او توننجی ماده سنک ذیلی موجبجه ایکیز بکرمنجی ماده سنه توفیقاً درت سنه مدته کورک قولسنه و او تونوز برنجی ماده قانونیه منطوقجه حقوق مدیندن

اسقاط ایدلسنه ومقدما اعلان ایدیلان قرارنامه وجهله اموالنک اداره ایتدیرلسنه محکمه جنایتدن حکم اولنش واصل مذکورک اوچوز یتش بدیجی و اوچ یوز یتش سکرنجی و اوچوز سکران برنجی ماده لریله مواد سائره سی احکامنه توفیق معامله ایدلسی مرجعه بیلدرلش اولدیفندن مذکور اوچوز یتش سکرنجی ماده نك جمله احکامندن اولدیفنی اوزره اعلان کیفیته ابستدار قلندی .

قاضی قریه سنده جوز زقاغنده کاش نیکتار قادینک خانه سیله مستاجر بولندقلری دکانی قصدأ احراق ایتدکلری ادعاسیله مهتم بولنان وبقال طودورینک خانه سنده ساکن ایکن فرار ایدن اوزنه بویلی دوز آللی قره کوز وقاشلی قره صاج وصقالی بغدای کزلی اوتوز باشنده یوزغالی بقال بولی ولد خرملبو ومخرق دکانده بقاللق ایدن اوزنه بویلی دوز آللی چاقو الا کوزلی صاری بقیل مدور چکللی مطروش اوتوز اوچ باشنده یوزغالی طودوری ولد یانی حقلرنده اصول محاکات جزایه قانوننک اوچوز یتش برنجی ماده سی موجبجه معامله مقتضیه ایفا ومحاکمه غایبیه لری بالاجرا نتیجه سنده مرقومانک قصدأ حریق قلنه اجسارلری ثابت اوله رق قانون جزانک یوز انش اوچنجی ماده سنه توفیقاً مؤیدأ کورک قوللرینه و او تونوز برنجی ماده قانونیه منطوقجه حقوق مدیندن اسقاط ایدملرینه ومقدما اعلان ایدیلان قرارنامه وجهله ماللرینک اداره ایتدیرلسنه محکمه جنایتدن حکم اولنش واصل مذکورک اوچوز یتش بدیجی و اوچوز یتش سکرنجی و اوچوز سکران برنجی ماده لریله مواد سائره سی احکامنه توفیق معامله اولنسی مرجعه بیلدرلش اولدیفندن مذکور اوچوز یتش سکرنجی ماده نك جمله احکامندن اولدیفنی اوزره اعلان کیفیته ابستدار قلندی .

نجات بحریه محکمه سنده :

بلغورلی قریه سنده ساکن ایکن تجارت بحریه محکمه سندن افلاسنه حکم اولنش اولان باغصا قی مصطفی توری افندی ذمتنده اله جفنی اثبات ویاموقفا قبول وقید ایتدیرمش اولان اله جقلولرک قانوننامه تجارتک ۲۱۱ نجی وانی ولی ایدن ماده سی موجبجه مفلس مرقوم طرفندن تکلیف اوله جق قونقوردانوک مذاکره سی ایچون شباطک اون ایکنجی چهارشدیه کوننده محکمه مذکورده نك افلاس او طه سنه کلری اعلان اولنور .

ایکینجی تجارت محکمه سنده :

مرجانه علی پاشا خانی قارشوسنده قرق الی نومرولی دکانده مقیم کاوساله جی مفاس میخالاکلی حاجی یوان اطناسیادینک یدی قله خارچنده قازلی چشمه ده واقع دباغخانه ده موجود خام دریلری ایله ادوات سائر سی اشوشباطک اون برنجی صالی کونی ساعت درتده مذکور دباغخانه ده و سالف الذکر قرق الی نومرولی دکانده کی دریلره اشیا سائر نه کده شهر مزبورک اون ایکینجی چهارشنبه کونی مذکور دکانده فروخت اولنه جی اعلان اولنور .

استانبولده طوپالیان خانی قربنده قوطی فابریقه سنده قوطیجیلک تجارتیه مشغول واهان آلیناقانک ۳ شباط سنه ۳۱۸ تاریخندن اعتباراً اعلان افلاسنه و مصالح افلاسیه سنک رؤیت وتسویه سی ضمننده اعضا ملازمی عزتلو یا قو افندینک ژورقومیسر ودعوی وکیللرندن باراویان اوخانس افندینک موقت سندیک تعیینلرینه و مغازه سنده موجود امتعه تجاریه سیله اشیا زائده بیتیه سنک تمهیرینه واوراق ودفاترینک جانبه وکفالت مصدقه ارئه ایده مدیکی تقدیرده حبس وتوقیفنه و بوبابده کی قرارک موقه اجراسنه ایکینجی تجارت محکمه سندن قرار ویرلمش اولدیغندن قانوننامه تجارتک یوز یمشجی ماده سی موجبجه دائمی سندیکلر انتخاب اولنق اوزره اشبو بیك اوچیوز اون سکر سنه سی شباطنک اون یدنجی بازار ایتسی کونی ساعت یدی راده لرنده اصحاب مطلوبک محکمه مذکورده نک افلاسه مخصوص اوطه سنه کلری لزومی اعلان اولنور .

استانبولده باغچه قوشنده طاش خان آتنده کی مغازه ده تحفیه تجارتیه مشغول داویدقوهن واسرائل قاستوریانونک ۵ شباط سنه ۳۱۸ تاریخندن اعتباراً اعلان افلاسنه و مصالح افلاسیه نک رؤیت وتسویه سی ضمننده اعضا محکمه دن سعادتلو جیل بک ژورقومیسر ودعوی وکیللرندن ادرنه لی شکیب افندی ایله اکاه بک موقت سندیک تعیینلرینه و مغازه سیله اشیا زائده بیتیه سنک تمهیرینه واوراق ودفاترینک جانبه وکفالت معتبره ارئه ایده مدیکی صورته حبس وتوقیفنه و بوبابده کی قرارک موقه اجراسنه ایکینجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۲۰ شباط سنه ۳۱۸ پنجشنبه کونی ساعت الی راده لرنده اصحاب مطلوبک محکمه مذکورده نک افلاس اوطه سنه کلری اعلان اولنور .

تخته قلعه ده دکانده نعلبورجیقله مشغول توفیق افندینک ۵ شباط سنه ۳۱۸ تاریخندن اعتباراً اعلان افلاسنه و مصالح افلاسیه نک رؤیت وتسویه سی ضمننده اعضا محکمه دن سعادتلو رضا بک ژورقومیسر ودعوی وکیللرندن عثمان طلعت بک موقت سندیک تعیینلرینه و مغازه سنده موجود امتعه تجاریه سیله اشیا زائده بیتیه سنک تمهیرینه واوراق ودفاترینک جانبه وکفالت مصدقه ارئه ایده مدیکی تقدیرده حبس وتوقیفنه و بوبابده کی قرارک موقه اجراسنه ایکینجی تجارت محکمه سندن قرار ویرلمش اولدیغندن قانوننامه تجارتک یوز یمشجی ماده سی موجبجه دائمی سندیکلر انتخاب اولنق اوزره اشبو بیك اوچیوز اون سکر سنه سی شباطنک اون طقوزنجی چهارشنبه کونی ساعت یدی راده لرنده اصحاب مطلوبک محکمه مذکورده نک افلاسه مخصوص اولان اوطه سنه کلری اعلان اولنور .

اعلامات شرعیه اجرا دائره سنده :

متوفی حسین خاکی افندی ورثه سنک عایشه اقبال خانم ذمتنده قسمت عسکریه محکمه سندن اعطا اولان برقطعه مقتضا اعلامی موجبجه آلاجنی اولان مبالغ معلومنه نک تأمین استیفاسی ضمننده مرهون وفروختی محکوم بولنان چنبرلی طاش قربنده عتیق علی پاشا محله سنده طاوق پازاری جاده سنده کائن اون اوج نومرو ایله مرقم بر باب وقف بربر دکانی دروننده موجود وقف بربر کدکیله ینه جاده مذکورده کائن اوتوز سکر نومرولی دیگر بر باب وقف بربر دکانی دروننده موجود وقف بربر کدکنک اشبو تاریخ اعلانندن اعتباراً اون بش کون صکره فروخته تشبث اولنه جیغندن پی سورمک اوزره طالب اولانلرک وبوندن زیاده معلومات آلق استیئانلرک مدت مذکوره ختامندن صکره درسعادت اعلامات شرعیه اجرا دائره سنه مراجعت ایملری اعلان اولنور .

اعلامات نظامیه اجرا دائره سنده :

خرمبلوسک بااعلام نظامی زهرا خانم ذمتنده آلاجنی اولان مبالغ تأمین استیفاسی ضمننده داین عهده سنه وفاء مفروغ وفروختی محکوم بولان اناطولی حصارنده کوکسو محله وجاده سنده واقع تخمیناً یوز اوتوز ارشون عرصه اوزرینه مبنی الی اوطه و برصفه و برصالون وایکی بودورمی و تخمیناً یتش ارشون عرصه اوزرینه مبنی فوقنده بر اوطه و تحتنده بر باب آخور بر عدد چاشورلق و بر مطبخ وایکی دونم اراضی پی حاوی مکرر یدی نومرولو مع کوشک

و مشتملاتی تمامنک تاریخ اعلانندن اعتباراً اون بش کون صکره بالمزایده فروخته تشبث اولنه جی درسعادت اعلامات نظامیه اجرا دائره سندن اعلان اولنور .

یانی وولطونک بااعلام نظامی دیمتری ذمتنده آلاجنی اولان مبالغ معلومنه نک تأمین استیفاسی چون مرهون وفروختی محکوم بولنان ایوانسرایده عتیق مصطفی پاشا محله سنده ایوانسرای قپوسی زقاغنده تخمیناً یتش ایکی ارشون عرصه اوزرینه مبنی درت اوطه و اوزرنده دراجه و بر مطبخ و بر قیو و آرقه جهتده تخمیناً طقسان طقوزار شون باغچه پی حاوی کارگیر اون بش نومرولی خانه التمش برکون طرفنده اجرا قلنان مزایده علنیه نتیجه سنده لیرای عثمانی یوزغروش حسابیه اون الی بیک غرو شده طای عهده سنده تقرر ایدرک رغبات ناسک انقطاعه مبنی موقتاً قرار داده سی کشیده قلنمش اولدیغندن یوزده بش ضمیمه زیاده طالب اولنلرک پی اچقرلیله برابر اوتوز برکونه قدر درسعادت اعلامات نظامیه اجرا دائره سنه مراجعت ایملری اعلان اولنور .

عدد	عدد
۴	مرمر ماصه
۱	مستعمل بربر قوتلوی
۱۱	یازی لوحه سی
۱	مستعمل اسکمه
۳	رسم لوحه سی
۵	صندالیه
۱	آصمه اوفق ساعت
۰	پیکه اورتوسی
۱	قونصول، بربر جامکانی
۱	صاچ ماکنه سی
۱	وآینه
۱	کهنه باقر لکن
۶	نارکوله
۱	کلیدی و تنکه مملو
۵	مارپوش
۱	قهوه منغالی
۱	قهوه دکرمانی
۲	تراش لکنی
۳	طاوله
۱	فسقیه تنکه سی
۱	باقر مشربه
۱	باقر تجربه مع قپاق
۲	قهوه قوطوسی
۲	صو باردای

فاطمه زهرا خانمک صالح بابا ذمتنده آلاجنی اولان مبالغ تأمین استیفاسی چون مدیون مرقومک مالی اولوب حجز آلتنه انسان و بالاده جنس ونوعی کوستریلان اشیا نک تاریخ اعلانندن اعتباراً اوچکون صکره یعنی شباطک سکرنجی جمعه ایتسی کونی چارشوی کیر قپوسی اتصالنده واقع یول کچن خاننده ساعت بش راده لرنده بالمزایده فروخت اولنه جی درسعادت اعلامات نظامیه اجرا دائره سندن اعلان اولنور .